


叢書集成續編

二一

新文豐出版公司印行

叢書集成續編 第二一冊目錄

總類



考 據

瑟榭叢談二卷·····	清	沈 濤撰	聚學軒	一
古柏齋讀書雜誌一卷·····	清	王家文撰	聚學軒	二七
說部精華十二卷·····	清	王士禎撰	嘯 園	三三
黃嬭餘話八卷·····	清	劉 堅類次	嘯 園	一七一
匏園掌錄二卷·····	清	陳錫路撰	嘯 園	二三七
苔岑經義鈔六卷·····	清	楊夔生撰	花雨樓	二六七
讀書偶記八卷·····	清	張鴻桷輯	文淵樓	四三三
柚堂續筆談三卷·····	清	趙紹祖撰	構 李	五三五
東湖叢記六卷·····	清	盛百二撰	雲自在龕	五六一
南江札記四卷·····	清	蔣光煦撰	紹興先正	六六五
	清	邵晉涵撰		

王王
火火

火火
言言

火火
火火

二二

火火
火火

火火
火火

宜郡爲秦漢上谷地山川阻深氣候慘慄其俗勇鸞而
剽悍其民樸儉而椎魯其聲名文物若杞宋之無徵邠
宮之僻陋踰蟪蛄者咸悄然有吾土之思窮塞之戚焉
余假郡符凡四閱月承前政苛慝之後補亡羊除害馬
亟亟焉琴瑟之更張顧性不耐拘檢遇事輒蕩佚簡易
吏民頗安余之拙而樂余之漫治事餘暇不廢嘯歌錢
唐吳君更生吾鄉風雅士也相與登靡笄之山渡桑乾
之水弔耨斤之故宮尋曜萊之舊壘酒酣耳熱作爲歌
詩時復焚香枯坐默憶舊聞或褰蘇清談閒話風土叢
殘瑣屑輒摘烏桺葉拉雜書之投置古壘盎中受代後
採而出之甄錄得如千條分爲上下二卷靡之西偏有
射圃焉爲賓從遊燕之所隙地十笏老屋數楹水木清
華几格明淨顏曰瑟榭以著其潔因名是書爲瑟榭叢
談說文無榭字春秋成周宣榭字止作謝今云榭者通
俗文也道光十年上章攝提格霜月之靈皇極之日柴
辟亭長沈濤序於樊輿寓舍之貌廬

宣郡東南三十里有鶴兒嶺鎮志云卽古藥兒嶺唐李可舉破李克用兵於此案舊唐書僖宗紀云廣明元年六月八北行營招討使李琢幽州節度使李可舉吐渾首領赫連鐸等軍討李克用於雲州時克用令其大將傅文達守蔚州高文集守朔州克用率眾禦燕軍於雄武軍秋七月沙陀三部落李友金等開門迎大軍克用聞之亟來赴援爲李可舉之兵追擊大敗於藥兒嶺五代史唐本紀亦云廣明元年招討使李琢會幽州李可舉雲州赫連鐸擊沙陀克用與可舉相拒雄武軍其叔

瑟榭叢談卷上

父友金以蔚朔州降於琢克用聞之遽還可舉追至藥兒嶺大敗之唐書地理志雄武軍在蔚州蓋克用是時聞有軍討自赴幽薊以拒王師及聞薊納款乃取道此嶺而回爲可舉追擊所敗通鑑注藥兒嶺在雄武軍之西雖不言何地而自雄武至蔚朔實自東而西此嶺在所必經鎮志所言未爲無據惟新唐書藩鎮傳言可舉遣軍司馬韓玄詔擊沙陀藥兒嶺斬首七千級殺其將朱邪盡忠等收牛馬器鎧數萬又戰雄武軍殺獲萬人抑若先至藥兒嶺後至雄武軍者於地理頗爲乖舛信宗紀又言李可舉及李國昌戰於藥兒嶺敗之不知可舉所敗者乃克用非國昌新書之抵牾一至於此宜其

纒有糾謬之舉矣鶴兒嶺一名坳兒嶺見周伯琦扈從記行詩序

宣化縣響水鋪之東有嶺名老龍石脊隆然車行則方志乘皆所不載名稱不知起於何時歸安嚴海珊遂成有詩甚佳詩云老龍化爲石石勢蹙龍象蜿蜒尾南垂鬚鬚頭北向中高良其背俯俯時一仰檀車簸兩輪行如轆釜響前奔栗馬股倒退汗牛額脚底怕雲雷破空發龍掌呵吸桑乾河農田藉滋長何不以雨來而乃以雹往功罪坐倒置天公虛參養東海王所宮視遠青蕩蕩

瑟榭叢談卷上

宣化縣東南三十里有燕然山舊志云相傳爲實憲紀功處案後漢書和帝紀永元元年夏六月車騎將軍竇憲出雞鹿塞度遠將軍鄧鴻出柰陽塞與北匈奴戰於稽落山大破之追至私渠北靉海憲遂至燕然山勒功而還章懷於燕然山無注其注雞鹿塞云今在朔方肅州縣北並引關騶十三州志云肅州有大道出雞鹿塞實憲傳亦云憲出雞鹿塞鴻出柰陽塞皆會涿邪山大破北匈奴於稽落山憲遂登燕然山去塞三千餘里刻石勒功紀漢威德漢書匈奴傳貳師深入北至郅居水上引兵還至速邪烏燕然山師古曰速邪烏地名也燕然山在其中速邪烏當卽涿邪山速涿聲相近魏書蠕蠕傳神龜二年世祖出東道平陽王長孫翰從西道同

會賊庭緣栗水西行過寶惠故壘次於菟園水分軍搜討東至瀚海西接張掖水北渡燕然山通鑑亦言魏太武擊柔然至栗水西行至菟園水又循弱水西行至涿邪山唐書回鶻傳貞觀三年來朝明年以回紇部爲瀚海多覽葛部爲燕然號都督府突厥傳麟德初改燕然爲瀚海都護府領回紇是燕然山在漢爲北匈奴境在魏爲柔然境在唐爲回紇境去雞鹿塞三千餘里北臨瀚海與此了不相涉又唐書地理志羈縻州關內道回紇燕然州開元元年來屬僑治回樂河北道突厥順州貞觀六年分思農部置燕然縣僑治陽曲是皆非燕然而冒燕然之名此山不知何時始有此稱而志卽以爲

三
燕樹叢談卷上

車騎紀功之燕然誤矣赤城縣又有燕然臺尤爲附會可笑燕然山始見穆天子傳河宗柏天逆天子燕然之山天子大朝燕然之山河水之阿

宣府東有上下花園鎮志以爲遼蕭后種花處明葉文莊公盛記云雞鳴山之西三十里爲上花園又三十里爲鎮城上花園相望爲下花園並遺后種花之所遺址尙存涿人頓長史銳詩嶺雲沈日暝煙斜見說窮邊亦有花應是漢宮青冢怨不甘玉貌委龍沙

懷來縣歷陽山一名歷山相傳卽虞舜耕處史記五帝紀正義引括地志媽州有媽水源出城中者舊傳云卽舜釐降二女於媽汭之所城中有舜井城北有歷山山上有舜廟水經灤水注引魏土地記云潘城西北三里

有歷山山上有虞舜廟案媽水卽今之媽川河發源延慶歷懷來縣境西南流入桑乾河唐改北燕州爲媽州因此水得名攷水經河水注河東郡南有歷山舜所耕處有舜井媽汭二水出焉南曰媽水北曰汭水西逕歷山下向書所謂釐降二女於媽汭也是歷山媽汭皆不在此媽川河卽灤水注之清舞水今俗尙名清水河蓋清舞二字訛合爲媽後人因此附會耳周處風土記又謂歷山在上虞鄞善長已辨其誤

四
燕樹叢談卷上

懷來縣有橋山相傳卽黃帝葬處案史記五帝紀集解引皇覽曰黃帝冢在上郡橋山漢書地理志上郡陽周縣橋山南有黃帝冢是黃帝所葬之橋山初不在此魏書太宗紀泰常七年如廣寧幸橋山遣使者祠黃帝唐堯廟亦止云黃帝祠不云黃帝冢也蓋上郡上谷郡相涉而誤又黃帝都涿鹿之阿卽今之保安州而釜中阪泉皆在境內後人因以傳會宜鎮志兩山相近中有一石如橋闊五尺長丈餘可通行是山因此得名爾雅山銳而高曰橋凡高山皆可名爲橋猶龍門縣之龍門山豈得謂卽導河積石之龍門耶

懷來縣桑園堡泰山行宮內有磐石端平滑潤上有婦人纖趾痕跡之則凹指之則凸土人呼爲趾石余上谷詠懷古蹟云想像光圓六寸膚一卷甕得影雙趺不知何代征人婦化作千秋石望夫

赤城雲州堡卽元上都路雲州故城遼之望雲縣也若唐雲州乃雲中郡今之大同府貞觀十四年自朔州北定襄徙治定襄縣永淳元年爲默啜所破徙其民於朔州開元十八年復置見唐書地理志石晉路契丹之雲州五代史亦謂大同與此了不相涉元袁伯長幽平集雲州詩乃云天闊雲中郡豈非兩雲州并爲一談乎吾鄉秋錦山人宣府詩云行宮寂寞雙槐樹御氣銷沈舊酒樓自注正德間中官手植槐樹並駐蹕酒樓遺址尙存今則不可攷矣武宗實錄江彬勸上於宣府治行在越歲乃成糜費不可計復葺豹房所儲諸珍寶及巡游所收婦女寶其中上甚樂焉每稱曰家裏云云行在

蓋卽所謂鎮國府第舊志言正德十二年建安樂堂以居暫御嘉靖七年巡撫劉源清奏改上谷書院則故址當在今貢院之旁至皇城街西草廠乃谷王舊邸故有王城之名後乃誤王爲皇鎮志指爲武宗駐蹕之所非是若俗傳爲李晉王府則又不足辨矣

唐書地理志居庸關北有狼山今在懷來縣西十五里一名狼居胥山見元周伯溫扈從北行日記攷漢驃騎所封之山在代北二千餘里何以此山亦冒狼居胥之名是猶寶憲紀功之燕然去雞鹿塞三千餘里而宣郡亦有燕然山也伯溫又以懷來榆林驛謂卽漢之榆溪長塞亦誤

雞鳴山右有石椿橫列洋河左岸其形正三角高三四尺圍亦如之以四椿爲一行歷歷可數有時水落覓之下有石底虞道園謂漢太守王霸欲作橋會有兵役罷去然詢之居民對岸並非行徑無可問渡當緣洋河水性湍急至是爲兩山所束勢必建砥直下不能停蓄惟排立石椿分殺其勢然後從旁引渠以資灌溉古人於水利每用此法道園指爲未成之橋誤矣

隸續帝堯碑然後堯迺受命蜀鹿案蜀鹿獨鹿之省卽涿鹿也古涿獨通字周禮壺涿氏注故書涿爲獨杜子春云獨讀爲濁其源之濁音與涿相近書亦或爲濁周書史記解阪泉氏徒立至於獨鹿是獨鹿卽涿鹿之證書傳言堯都平陽不應於此受命然帝王世紀謂堯始封於唐卽今中山唐縣涿鹿爲今保安相距不遠或受命於此而遷都於彼今懷戎廣寧之閒民俗樸茂其有陶唐氏之遺風乎

西寧城東有八角井相傳爲漢李后汲水處攷五代史漢家人傳高祖后李氏晉陽人當時燕雲十六州已賂契丹李后何從不此流俗附會不足深辨方志載之可謂無識武昌林大林盛辨順聖川晉王山頗能援據史傳乃亦摭拾不經之談作八角井詩可怪也

懷來縣西土木驛卽明英宗蒙城之地錢唐吳更生州倅長卿謂其平原四戰無險可守宜六師之潰敗不可

救當日何不急趨居庸以扼形勝余攷明史英宗本紀

帝下詔親征羣臣請駐蹕居庸關不許遂如宣府大同

致有土木之變然跡其北狩之由實因中官手握兵柄

持人主如嬰兒非盡在形勢之不便也更生土木懷古

詩云莽莽平原殺氣浮蟲沙獵鶴一時休蒙塵幸免微

欽辱歸國重煩呂卻謀不忿薰胥緣穢里頓教戰骨付

哀邱君王倘憶當關險黃屋應先扼上游余亦有十木

驛詩云荒城雉堞半凋殘凍雀聲聲怨乾干捺鉢何年

張大幕統軍底事屬中官天邊紫塞沙猶積地下青燐

骨已寒中外一家三萬里而今莫作戰場看土木本名

統墓店因店北舊有統軍墓故名見王惲中堂事紀一

蘇樹叢談卷上

七

名統幕鎮志遠主游幸嘗張大幕於此故第三句及之

遼史營衛志出有行營謂之捺鉢元陳孚統幕城詩不

知何代開軍府猶有當時統幕名則游幸張幕之說非

也又通鑑武德六年秋七月辛巳高開道所部宏陽統

漠二鎮來降則統漠之名唐初已有方輿紀要謂即開

道所置

唐初懷戎浮屠高曇晟因縣令具供與其徒襲殺令偽

號大乘皇帝以尼靜宣爲耶輸皇后建元法輪尋爲高

開道所并見唐書高開道傳曇晟以僧人爲天子與明

太祖同而成敗事異余上谷詠懷古蹟云紛紛割據到

懷戎燭水榮迴繞故宮不見龍潛皇覺寺漫將成敗論

英雄

萬全縣張家口前明與俺答互市之地小境門上層樓

即當日市臺又有大境門重關設險今則中外一統四

門洞開矣余有詩云偈仄難容突騎豪誰憑一障限天

驕千年城窟泉猶咽五月關門雪未消不見車書大無

外漫將貢市說前朝太平閒煞幽并健且傍陰山學射

雕

宜興儲龍光上谷雜詩注首座寺有范銅祕密佛像六

軀形容醜穢跌下鐫字一行云烏斯藏大慶法王詣占

班丹發心造康熙中某縣令毅然欲毀之營將惑於邪

說謂可辟兵竭力護持竟不毀舊志首座寺在城北五

蘇樹叢談卷上

八

虎街儲雍正朝口北備兵是爾時佛像猶存今則并寺

俱毀土人無復知之者余上谷詠懷古蹟云祕法空傳

演撲兒橫陳嚼蠟味誰知如何亦墮金人淚歡喜諸天

少護持

張獨二口塞外有太子城遺蹟已不可考每黎明時從

遠望之見有城郭湧出地上樓櫓雉堞宛然如新須臾

日出即隱不見元郝伯常有化城行殆即其處納蘭

安宦遊筆記言塞外或廣野或山巒有時宛然一女牆

雉堞層疊高下有時參差樓閣淺深戶牖一一刻肖有

時若禪院若眞堂古木森森迴繞似遠似近欲澹還濃

此猶萊維山市登州海市之類納蘭氏謂天地之氣細

經澗滿同薄變幻何往不有洵然

水經聖水出上谷鄆善長注水出郡之西南聖水谷東南流逕大防嶺之東首山下有石穴東北洞開高廣四五丈入穴更深穴中有泉案所云聖水谷蓋即懷來縣之聖水洞也

水經注濡水有二其一卽今灤河當時謂之難河鄆善長謂濡難聲相近狄俗語訛蓋濡誤爲難難又訛爲灤耳其一出高陽縣東北春秋昭公七年齊與燕盟於濡上卽此又有小濡水見魏土地記

保安州龍門山斷崖中關飛瀑長懸其水景尤爲奇詭州人楊聖功明經正義誤記云衣瀑而成形如巨橐曰

《意樹叢談卷二》

九

冰甕石破其底冰噴噴而下綴縷縷焉繼繼焉曰冰裘甕有二水傍射而噬其一之半如鶴曝於石而垂羽曰冰翼渠潰而注繼以搏風冰如霧散如繁縷又擬鬚鬚老人曰冰鬚云云明經所著心仙集搜訪未得記中所稱冰甕諸名頗爲刻畫盡致足資談柄

承德府紅石梁梁據熱河志由熱河至入溝必經之道其高倍於青石梁絕頂尤爲險隘過者皆下馬而行土人呼爲紅石拉余初不解拉字之義後見林佶全遼備攷云邊外多山戴沙土者曰嶺戴石者曰拉亦作礪

爾雅釋鳥鴝鳩冠雉郭璞注鴝大鴝似雌雉鼠腳無後趾歧尾爲鳥慈急羣飛出北方沙漠地一切經音義引

爾雅舊注今鴝大如鴝肉美俗名突厥雀生於蒿萊之間朝野僉載調露後有鳥大如鳩色如烏雀飛若風聲千百爲隊時人謂之鴝雀亦名突厥雀事物紺珠沙雞又名鴝五雞組萬曆間京師市上有鳥大如鷓鴣毛色淺黃足五指有細鱗如龜狀名沙雞云是塞外至者珠亦似山雉合觀諸說是沙雞卽爾雅之鴝鳩芹城小志盤山志居易錄諸書皆指爲半翅非是案戒菴漫筆半翅鳥倍大如鴝鴉性極癡又謂之半癡亦曰癡半斤好視紅物飛不遠輒下歇人著紅褰襖誘之則凝視不去故可得稗史彙編半翅飛不過三四尺可以杖擊之而得卽朱垞詩所稱低搶白龍堆也今宣府冬月以二物

《意樹叢談卷上》

十

爲常饌形質亦復不類沙雞略具文采半翅則純褐色而味較脆美
周禮羊車鄭注訓羊爲善非真以羊駕車也晉時始有羊車宮中遊幸所乘今北地小兒嬉戲閒亦乘之然不足以行遠若吉林之以犬駕車則引重致遠用同牛馬矣元於遼陽設狗站十五處遼史儀衛志總轡車青轡車涼車皆駕以馳元李公饒夜行烏桓道詩囊馳駕輕車怒項不肯發袁伯長開名舍書事詩亦云馬解避馳車是當時漠北兼用馳車任載今則不聞有此耳
元迺賢金臺集居庸關詩注關北五里今敕建永明寶相寺宮殿甚壯麗有三塔跨於通衢車騎皆過其下云

云今三塔已亡其二寺亦改名塔下刻經呪甚多有漢字有梵字有蒙古字有畏吾字顧亭林據元史泰定帝紀以爲指揮使兀都蠻所刻余嘗盡拓以歸皆不著刻經人名內惟一條云至正五年歲在乙酉九月吉日西蜀成都寶積寺僧德成則所刻非一時一人之筆矣油麥形似小麥而弱味清微苦核之本草當卽燕麥油燕聲之轉耳油一作攸關北宣大寧朔諸郡民間皆以爲常饍太倉彭甘亭兆萊有攸麥飯詩序云油麥不見諸書攸乃田器郡志卽以此字當之未詳所據作詩以補廣志要術諸農書之缺云云蓋亦未知其爲卽燕麥也

蕪樹叢談卷上

十二

宣郡產石雞色似班鳩有黑文而大若雌雉短尾背距皆赤能食石及瓦礫張獨口外產火雞大如鶴羽色斑雜好食然炭又有雪雞毛羽如雪形肖鶴而大兩眉微紅足有毳毛飲啄雪中人無以辨惟尾末雜黑綫得以識之

白翎雀形如鶺鴒而小翅有白翎產今獨石口外所謂烏桓城下白翎雀也楊廉夫稱其能制猛獸尤善擒駕鷲王士熙又有小小白翎能念詩之句今此雀但能學百鳥之聲並無解爲人言者且亦不聞其能制猛獸豈古今物產之異歟元以前未入中國宋史吳在木傳鳥有白翎雀獸有青尾鹿乃謂雀之白色者非此

追旃璵言宣府教場東西幾十里南北二十里蔚州城牆磨甃所砌語云蔚州城牆宣府教場是今城外西南一帶皆前明教場地也

口外馬乳迤北八珍所謂元玉漿也蒙古人釀以爲酒色如清水味微甘香名阿爾氣如以爲力薄復入錫蒸又量加酸乳重釀而出名阿爾占三釀者名和爾占四釀者名德普舒爾五釀者名沾普舒爾六釀者名蘇舒爾又馬乳置於暖處每日用箸縱橫攪之數日味如酸漿力可敵酒名曰七格皆見宦游筆記

口外黃羊世稱俊味在迤北八珍之上元楊允孚灤京雜詠所謂北陲異品是黃羊也然其狀絕不類羊許圭

蕪樹叢談卷上

上

塘詩有肉須供世無魂亦似麀蓋與麀相類惟麀角大而黃羊角小又有尾短而根白色爲差異耳戴侗六書故竟以黃羊爲麀固非邵二雲爾雅正義又以釋畜播羊黃腹當之亦誤周禮疏爾雅在野曰獸在家曰畜黃羊其可畜乎漢陰子友祀龍之黃羊當卽爾雅之獐

周書王會解高夷獐羊獐羊者羊而四角述異記周武王時東夷進六角羊案元楊允孚灤京雜詠皮囊乳酒鑼鍋肉奴視山陰對角羊自注羊或四角六角者謂之迭角羊迭義未詳以其角之相對故曰對角毛角雖奇香味稍別故不升之鼎俎云云今日北所屬之多倫諾爾與元灤京相近其地產四角六角羊形質與常羊不

殊惟角多為與蓋即古之獐羊耳畢氏山海經注乃謂
錢來山之獐羊疑即獐羊江都陳穆堂達衡周書補注
又以述異記六角為四角之誤皆未知今日外固有四
角六角羊也

宜化郡北為古長城遺址即造陽地也漢書匈奴傳燕
築長城自造陽至襄平師古曰造陽地名在上谷界史
記絳侯周勃世家勃追盧縮至長城即此張守節正義
乃謂即馬邑長城不知馬邑在朔方世家云定上谷十
一縣右北平十六縣遼西遼東一十九縣遼陽二十二
縣與匈奴傳所謂置上谷漁陽右北平遼西遼東郡以
距胡者正合稍為燕王封燕故地境固不得至朔方也

正義又云亦名燕長城在媯州北是似馬邑在媯州者

主

更誤矣

史記絳侯周勃世家破綰軍上蘭正義曰括地志云媯
州懷戎縣東北有馬蘭溪水恐是也馬蘭溪今志乘不
載方輿紀要云在懷來衛東北按括地志但云懷戎有
馬蘭溪張守節引以證史文上蘭之地曰恐是者疑而
未定之辭顧氏乃云括地志以為即上蘭水誤矣

史記楚元王世家於是迺封其子信為羹頡侯索隱曰
羹頡爵號非縣名以其饌釜故也正義曰括地志云羹
頡山在媯州懷戎縣東南五十里案高祖取其山名為
侯號者怨故也余謂羹頡不得為爵號當是高祖借羹

頡之名以寓饌釜之根自當以正義說為是然漢世侯
封或以縣名或以鄉名或以亭名從無以山名者必是
羹頡以山名鄉高祖伯子封為羹頡鄉侯耳山在今懷
來縣

厄魯特本元阿魯台部 國初時有噶爾丹者自立為
汗侵掠其鄰喀爾喀部

聖祖親統六師討平之先殲其妻阿弩嘎吞於陣後迺
生擒喀爾丹朔漠遂定為

皇朝開邊用武之始而兩部構釁之由實因爭一琵琶
女子雖女戎召禍自古為然亦豈非天假之以成

聖世武功之盛哉乾隆間徐芝仙 赤陵姐琵琶歌詳

述其事今錄於此歌云邏沙檀止紅紋琵琶茲國唱無

曲

愁曲尤物皆乘氣運生天教色藝空金屋千年大漠藏

龍蛇化為女子顏如花生長赤陵呼作姐能將蕃曲譜

琵琶琵琶官調八十一別有新聲緩挑出韻並風生樂

萬方國王客 一見加諸膝其王分地跨興和西與山

戎特 接壤多閒起侵陵緣互市終修和好悔操戈鼓

聲坎坎冰天裂藍妝正蹋山頭雪一枝春色照黃沙兩

國兵端從此結虎奪龍爭秋復春朝為楚腰莫為秦掌

土青娥偏解舞原頭戰骨幾生塵皇皇 天子修文德

頻遣行人頒玉敕盡茲狹獠 慈存天為一婦人誠

一國旌旗出沒黑山版風雨憑陵青海頭塵起百靈爭

訴帝霜高屬國盡防秋維時五月三日暮 至尊駐蹕
香泉茂冠騎會皇走大荒龍驤浩蕩來西路羽林年少
為余言親見闕氏陣前仆喀爾丹之妻四寸文綦玄鳳
飛週身細鑑秋金鍍芙蓉十隊化寒煙臘有殘英泣斷
弦鬢點雪霜亡普贊命餘鋒鏑出那連理藩院裏秋槐
老階墀猶把琵琶抱宛似蝦蟆陵下入潯陽江上傷潦
倒聽彈一曲別郎官弦上傳來意萬般未死若憐胡地
隔得歸翻戀漢恩寬曲終上馬風蕭索風吹淚逐哀弦
落何須淚逐哀弦落禾黍油油滿沙漠君不見傾城傾
國代有人若箇老歸生處樂況爾歸時國有君太平無
復強侵弱

蘇謝毅談卷上

五

楊養正馬德良傳德良字完秉保安州人博涉藝文崇
順癸酉舉於鄉

皇清兵入保安德良以家行居遼十二年不仕躬耕負
薪癸未秋尋妻朱氏殉焉弟德璽及婦王氏是日亦
組頸死云云夫古今言兄弟之友愛者如陽道州之沒
齒同衾已屬罕有迺德璽以身殉兄并及其婦亦可謂
千古之畸行矣

金史列女傳哀宗寶符李氏國亡從后妃北遷之宣德
州居摩訶院日夕寢處佛殿中作幡旛會當赴龍庭將
發即於佛像前自縊死且自書其門紙曰寶符御侍此
處身故余止谷詠懷古蹟云大節從容淨土留幽蘭殉

國其千秋不須更羨梁園死金水河頭弔玉鈎

宣郡北山亦呼為小恆山山寺中有石磐懸殿中橫木
上高可尺許廣二尺有餘厚二寸石質深黝上有白斑
就班點處叩之其聲高下不一中合律呂余嘗擬移置
郡署以及瓜未果鬱林之載始信古人真好事耳

吾家忠愍公鎮謫戍保安後復因宣大總督楊順巡撫
御史路楷承分宜風旨劾公不道遂被慘禍隆慶改元

公子襄上書訟冤華亭柄國逮順楷下吏論死遂獲昭

雪今祠在懷來之新保安明之保安衛也余展拜祠下
作詩二首云但餘熱血灑空腔絕少刀圭治野瘡上

萬願爭慟哭公因楊順妄殺難民為詩刺之有白草宮
黃沙風雨夜冤魂多少竟頭顱之句

蘇謝毅談卷上

六

中十日太披猖路竭殆益人心快瞿鄧名先謫籍香天
水冰山在何處荒祠累代肅肅膏膏市紛紛乞罷兵憂
危竝議到儒生萬言封事批鱗切一賦籌邊走馬成忠
憤豈應論左道英靈猶欲請長纓白蓮風定餘霞散來
莫椒漿雪涕橫周櫟園書影載分宜籍沒時攜一方書
出監者問曰有刀瘡藥能醫得楊繼盛沈鍊顏瘡否故
第二句云然

吾鄉張博山邵出關詩胡麻作膏油生味和蔓青入口
先嘔惡胸逆瀕為瀕蓋關外烹飪多用胡麻油邊庭所
產氣味惡劣不可嚮邇其莖纖直而短花開頂上作藍
色與內地脂麻花白而莖分四稜六稜者形質全別不

得誤認爲一也

博山自定木威詩稿竹垞檢討稱其銘鑄百子有日鑪
風炭之手古體有似羅浮屈五道士今體則排募近人
其歎美如此余謂木威詩樂府尤佳集中行路難二首
爲出關時作今錄其一云有舟莫渡黃河水有馬莫登
太行山黃河濁流幾時息太行驚沙無日閒如何更出
居庸關虎豹巉巖不可攀朔風如刀噴如鏃使人頃刻
凋朱顏積雪何皚皚亘古不得開嗟爾遠游胡爲哉羊
皮作裘薄如紙蕃兒生長冰窟裏朝來亦凍山谷死君
不見黃雲城邊白登臺旌旗萬乘埋腥埃況爾獨行踽
踽土木之形骸行路難歸去來真不減九歌草堂擬古

諸作

泰樹叢談卷上

七

孝女張富姐蔚州吉家莊人父張奉久患瘵疾女侍奉
不懈山水驟至女扶病父出避同歿於水女抱父屍髮
髻簪環均未散亂顏色如生道光九年五月二十八日
事此今之曹娥叔先雄不可不爲表彰也

今京師用錢以五百爲一千名曰京錢宣都以三百三
十三爲一千名曰宣錢通州以東至山海關以一百六
十六爲一千名曰東錢不知起於何時相傳前明兵餉
不足以故減短之數因地而異攷梁武帝時破嶺以東
錢八十爲百名曰東錢江鄂以上七十爲百名曰西錢
京師九十爲百名曰長錢錢陌多寡不同自古有之然

我朝各省兵餉皆制錢足陌從無曉減之事而民俗尙
因仍勝國之舊殊不可解

張光弼塞上謠云馬上毳衣歌刺刺往還都是射雕兒
又一首云胡姬二八貌如花留宿東西不問家醉來拍
手趁人舞口中合唱阿刺刺阿刺刺蓋當時塞歌助語
之聲二詩一作仄聲用一作平聲用

遼史地理志歸化州有炭山又謂之陘頭有涼殿承天
皇后納涼於此山東北三十里有新涼殿景宗納涼於
此此歸化州之炭山也今在萬全縣境遼史太祖紀三
年五月甲申置羊城於炭山之北以通市易五代史四
夷附錄阿保機漢城在炭山東南灤河上有鹽鐵之利

泰樹叢談卷上

太

乃後魏滑鹽縣也通鑑注引宋白曰阿保機居漢城在
檀州西北五百五十里城北有龍門山山北有炭山炭
山西是契丹室韋二界相連地其地灤河上源西有鹽
泊之利則後魏滑鹽縣也此又一炭山準其地望在今
獨石口外與和政城東北土人稱爲黑龍山又名黑老
山與歸化州之炭山絕不相蒙且歸化隸西京奉聖州
石晉始割獻太宗不應太祖時卽置城通市其非一地
可知至遼紀內每有清暑炭山之文而天祚紀亦云射
虎炭山此皆興和城北之炭山若歸化之炭山地志明
載承天皇后及景宗涼殿遺蹟初非謂累朝世主皆在
此納涼也明一統志諸書率以兩山并爲一談口北三

志又疑歐史通鑑注之誤皆不明遼時故有兩炭山耳

周伯琦近光集立秋日書事詩鐵刺標山影自注云上京西山上樹鐵幡竿高數十丈以其下海中有龍用梵家說作此鎮之元史文宗紀至順二年命僧於鐵幡竿修佛事然則今良鄉之琉璃河俗呼王彥章鐵篙者卽鐵幡竿之類也

遼史地理志西京奉聖州磐山縣本漢軍都縣山出白綠礬故名有礬山在州南六十里其地當在今保安州境若漢軍都縣則在今懷來昌平二縣境元省礬山入永興不得遠至昌平遼志誤也宣鎮志礬山在懷來縣

裴樹叢叢卷上

九

保安衛地

唐書突厥傳言突厥盛夏而霜五日並出以爲災異也今塞北盛夏而霜固無足異卽三日五日並出亦時時有之蓋寒氣通天凝爲此狀非眞日出也徐芝仙和友人雪後行獨石口外詠所見云明沙灘上雪鋪銀天作穹廬覆遠人覆到晚來天亦冷義和鞭出日三輪

劉公是檀州詩市聲衙日集海蓋午時消自注每旦海氣如霧至晚消盡土人謂之海蓋案檀州卽今順天府之密雲縣余嘗句當公事往來其間並不見所謂海蓋詢之土人亦無知者豈古今氣候之異與然密雲初不近海而云海氣如霧殊不可解

陸游南唐書盧文進傳文進在金陵爲客言昔陷契丹嘗獵於郊遇畫晦如夜星緯燦然大駭偶得胡一人問之曰此謂之宜日何足異頃自當復良久果如其言日方午也攷文進爲契丹平州刺史今之永平府固無宜日之事卽遼上京臨潢府今爲奉天之錦州亦不聞常有此異大抵是時南北分域從虜中來者輒造怪異之談南人未至其地遂無一難之傳聞異辭踵訛承謬宜日之說亦海蓋之類耳

宜日南部新書作宜日

漢書地理志上谷郡秦置縣十五今之懷來縣地卽秦漢之上谷也隋唐之上谷郡乃治易州而以懷來昌平等縣隸涿郡兩上谷絕不相謀程大昌北邊備對乃云

裴樹叢叢卷上

三

漢緣邊九郡上谷易州是以隋唐以後之上谷爲漢之上谷誤矣

史記貨殖傳北賈種代種代石北也正義曰種在恆州石邑縣北蓋蔚州也代今代州案漢之代郡卽今蔚州與唐之代州不同種代當是一地張氏分而二之誤宣府地近塞外頗染蒙古之俗貧民無力營葬者多棄屍山谷余於城東措置漏澤園一區海昌查梅史刺史探爲作宣化府義冢記今錄於此沈西雍太守以經學爲政凡所修舉必斬合於古有非尋常吏師能通其意者道光十年春權宣化府事甫三月州縣皆樂其爲治郡之廢墜汲汲求復其舊惜其暫而未得大見所欲

爲也府城東郭外故有義冢歲久不可攷太守憫焉通
捐俸錢別買地於城東七里臺爲畝十而屬教諭余珽
董其役地既開廣席藁香鋪灰釘之屬無不盡其地計
葬瘞者無算可久而不廢矣乃述其事於其鄉人查揆
俾文之以記年月揆案敘葬之政見於史傳者夥矣然
或以舉瘞葬或以舉瘞無告或以凶荒兵革道殣戰死
皆一時一事非有定制至宋始著令貧無葬地者許以
官地瘞後乃有漏澤園則郡縣皆行之矣今太守亦猶
乎世俗吏所爲乎抑斯合古之所爲乎月令孟春掩骼
蕪骸許鄭皆以爲兼鳥獸之骨人固至重矣而必煦煦
及於禽獸竊以爲仁政之大未必然是非湛深於經而
精求其用意不能通也古之儒者通天地明陰陽以爲
政事之本洎流弊所極競言災祥圖讖於是經學衰而
術術亦疏矣按月令明堂言陰陽者也鄭氏於掩骼蕪
骸謂死氣逆生氣高誘謂順木德而向仁恩此則經義
之所爲仁政已異乎史又何疑於許鄭耶先儒董仲舒
劉向父子等其論政必辨五行陰陽由此以通天人之
奧得治化之源使死氣鬱蒸以逆方生之氣則水旱凶
札瘡疫之爲害皆由是起然則掩瘞之所係者爲甚大
太守所爲斬谷於古者乎易泰爲正月卦象曰后以財
成天地之道輔相天地之宜以左右民夫天地之道陰
陽之道也天地之宜陰陽之宜也天子財成輔相於上

三公宰相寅亮變理於下士大夫以學問政事贊毗於
一時一事便寒暑不忒四時和平胥是道也其事則備
著於月令如掩瘞其一耳而孔穎達援大司徒及職方
貢物之宜已未合乎扶陽抑陰之本旨至僞子夏傳乃
以結網罟作耒耜當之以是爲財成輔相可乎宣化府
爲苦寒地山谷幽阻水澤沍冽其嚴凝亭毒足以抗陽
和召陰沍況暴露者又從而醞釀之是固太守宜加意
者矣徒曰慈愛惻隱而已則凡爲吏者優爲之也太守
窮經而善於其政故揭太守之意而記之如此時道光
十年六月日也

瑟樹叢談卷下

聚學軒叢書第五集

嘉興沈 壽祺

貴池劉世珩校刊

懷來故文學張清積學通經著有春秋經異十二卷詩傳題辭故四卷論語異文輯覽四卷行世嘗攷後漢盧子幹隱居上谷學爲儒宗何以近代以來不少概見文學能通漢儒訓詁不爲方聞所囿可謂有志之士天不假年未竟其業惜哉

歸安孫二山孝廉 春蘭 主宣郡柳川講席出其尊人遲

舟編修 辰東 種紙山房詩稿見示中有送溫明府之崇

安詩云御茶堪配崑崙水絕品人閒或未知最是官齋

清絕地一甌暇向退衙時自注茶味武彝第一水味黃

瑟樹叢談卷下

河第一余謂此論足補季疵茶經又新水記所未備編

修以乾隆壬辰第二人及第其從祖配贈司空 莊豐康

熙庚戌通籍甲第名次相同里人因因編修爲小榜眼

云

大興余子方學博 司鐸宣邑有吏幹才余整飭書院

捐置義冢諸事皆賴其匡勦之力嘗以弟子禮事余瀕

行又以 鶴爲贈予作詩謝之曰臨別何曾選一錢此

行原不辦 蕭竟 腰纏多君幽贊能忘俗贈我胎禽似欲

仙萃野未借 勸鹿至花陰好伴 阮琴眠官貧爭奈橫添

口爲汝休糧 巖然更生戲題 絕云此身曾到鳳麟

洲一 聲應喚九秋盡道相人如相鶴使君雙眼勝洋

邱公田種秫已無餘薄俸難償乞米書我有調言誰主
張 飼他羊續舊懸魚

子方和子謝鶴詩云龍禽應貴辨 蒲莫 餐錢譜入琴絲

別緒纏牘有高懷矜羽翼留將瘦影伴神仙近依碧漢

間宵啖倦倚青松趁畫眠羨汝得隨旌節去屋烏同愛

亦忻然余復疊韻酬之云拔釘錢與捋鬚錢腰瘦何堪

十萬纏五畧可無詩腰鶴一摩 當夢游仙簿書堆裏

清娛伴帶草香中自在 霖雨霽冲霄張仲舉莫因小別

更潯然子方考滿當薦故結句云然

錢唐陳闓玉別駕 裴之 故人雲伯大令 文述 之子亦號

小雲有雋才中年殂謝士林悼惜其姪人王氏紫湘秦

瑟樹叢談卷下

淮曲中人歸陳數年病瘵而天閭王甚悼之因仿董宛

君梅影葦故事作香碗樓憶語數十條可爲青溪板橋

添 佳話當桃葉渡江時停橈京口上元歐陽嶽葦孝

廉 長海 阻雨江干兩舟相值嶽葦因調慶春澤慢去帆

葉寒霞檣枝搖月好風吹送蘭舟載了輕盈而今不載

閒愁繩河剛報星期近駐仙雲數過涼秋盼圓蟾三五

紅橋先照紅樓 素娥青女遙相妒妬嬌媚最小豔福

雙修琴瑟詞成畫眉人待駕幃江皋便欲渡波去肯輸

他陌上春游祇難忘燕子歸來舊日簾鉤紫湘沒後闌

玉自金陵歸吳嶽葦復用前韻送之云畫鼓淒煙總帷

靠雪送伊如此歸將君自淒涼無端觸我閒愁蘭橈親